

9. ibilbidea Bilboren inguruan

Hiria goitik begiratuta


Natura eskuzabala izan da Bilborekin. Mendiek hiria babesten dute, eta gune irekiak zein birika berdeak eskaintzen dizkiote. Altuera aliatu ona bihurtzen da hiriaren historiako protagonista eta lekuko nagusia den itsasadarren joate bihurriaren inguruko eraikin historikoekin eta eraikin berrien arteko konbinaketa bitxia behatu ahal izateko. Bilbao ikusteko beste modu bat da zeru-goietan ibiltzea eta panoramika izugarriez gozatzea, Alde Zaharretik Abraraino, horixe izaki itsasotik Bilbora sartzeko atea.

Bilboko jendeak maitasunez esaten dio bere hiriari Botxo (zuloa). Mendi artean sartuta dago, eta, horietatik, itsasoa ere ikus daiteke, eguna oskarbi badago. Ikuspegi bakan horiek ikusteko, lehenengo **Artxandako begiratokira** joatea proposatzen dizuegu. Igotzeko bi modu dauzkagu: funikularrez ala kotxez. Erakargarriagoa da Artxandako funikularrean igotzea. Funikularrak 1915etik lotzen ditu Bilbao eta Artxandako gailurra. Ibilbideak ez ditu 3 minutuak gaintitzen, eta Funikularren plazan (Castaños kalean) hartu ahalduzue.



Artxandako funikularra

Kotxez, Salveko zubitik aterako gara Bilbotik, eta Daniel Buren artista frantziarraren "L'arc rouge" ate gorri handiaren azpitik igaroko gara, Begoñarako noranzkoan (BI-625). Lehenengo biribilgunean, Txurdinagarako irteera hartuko dugu. Hurrengoan, hirugarren irteera hartuko dugu, eta, hortik aurrera, **Artxandaraino** eramango gaituzte seinaleek.



Begiratokian, hiriaren panoramika izugarriaz gozatu duzue. Hiriko zonalde zaharrenak zein eraikin berrienak ikusi ahalduzue, eta bi eskulturak harrituko zaituztete. "Engranajea" da bata, Artxandako lehenengo funikularren benetako pieza, eta "Aztarna" da bestea, Gerra Zibileko biktimen omenez egindako eskultura.

Zeru-goietako bidaiarekin jarraituko dugu, **Akarlandarantz**. Naturan bikain sartutako jolas-parkea da. Horra iristeko, Artxandatik behera egin behar dugu, BI-3741 errepidetik (Enekuriren goialdetik), eta Asuaran-

zko noranzkoa hartuko dugu lehenik, BI-604 errepidetik. Gero, BI-2704tik jarraituko dugu, Asua/Loiu norabidean, biribilgunera iritsi eta Loiu/Plentzia norabidea hartu arte. Akarlandak kanpina, futbito-zelaia, saskibaloizelaia, monopatinean ibiltzeko pista eta abar dauzka. Aire zabalean dauden mahaietan, piknika antola dezakezue, eta Martiartu dorrea zein Forestal Park abentura-parke handia bisitatu ditzakezue inguruetan. Forestal Park toki ezin hobea da familian joateko, hainbat jolas baitauzka, eta tirolina ikusgarriak zuhaitzen artean.



Zugaztieta

Zugaztieta meatze-paisaia izango da gure hurrengo bisita.

Akarlandatik, Leioa-Unbe errepi-dea (BI-2731) hartuko dugu, eta, lehenengo biribilgunean, Unibertsitateko errepidetik (BI-647) jaitziko gara, hurrengo biribilgunean BI-637 errepi-dearekin (norabide guztiak) topo egin arte. Gero, A-8tik gidatuko dugu, Santandererantz. Gero, 126B irteera hartuko dugu, Ortuella/Trapagaran norabidean.

Trapagaranetik, autoz igo gaituzke Zugaztieta, bihurgunedun trazadura batetik (BI-3755). Besteta, Larreinetako funikularrean igo gaituzke, eta Bilboko Abraren ikuspegi izugarriak behatu. Zugaztieta

antzinako meatze-herrirka da, Trianoko mendietan hedatzen dena. Hortik hurbil, Peñas Negras Ingurumen Interpretazioko Zentroa dago. Inguruan, hainbat laku topa ditzakegu. Garai batean, antzinako meatze-ustiapenetako putzuak ziren horiek, aire zabalean induskatzen baitzen burdina. Bertan, ohikoak dira "babarrun-janak". Denboran izoztuta irauten duten jatetxe bitxietan dastatu ahalduzue, meatze-auzoan bertan.

Gure azken panoramika **Kobetamendikoa** izango da, Bizkaiko hiriburuaren biriki berdeetako batekoa. Zugaztietatik Trapaganera jaitziko gara, eta A-8a hartuko dugu berriro, Bilborako noranzkoan. Le-

henengo, 119. irteera hartuko dugu, BI-636 errepidera sartzeko, Balmasedarako noranzkoan. 5. irteera (Zorrogoiti/Altamira) hartu eta Kobeta adierazten duten seinaleak jarraitu ondoren, aisialdi-gune horretara iritsiko gara. Oso leku egokia da familian egoteko; izan ere, parke bat dauka laku baten ondoan, eta hiriaren zein bertako metropoliaren ikuspegi izugarriak eskaintzen ditu. Inguru hori udan nabarmentzen da, bertan egiten baita BBK LIVE pop-rock musika-jaialdia. Pentsa, azken edizioan 140.000tik gora lagun bildu ziren bertan.

Bilbora itzultzeko, Basurtu/Kastresana (BI-636) errepeidea hartuko dugu, eta, Altamira seinalea jarraitu ondoren, hiriburura sartuko gara.



Bilbao Artxandatik